



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus IV. Ne Prælati vices suas, vel Ecclesias, sub an[n]uo censu
concedant.

[urn:nbn:de:hbz:466:1-63462](https://nbn-resolving.org/urn:nbn:de:hbz:466:1-63462)

bus, de quibus vid. Pyrrh. Corrad. in *Praxi dispens.* l. 5. c. 9. & 10. Reiffenstuel *h. t.* à n. 341. Si tamen delictum sit occultum, & ad forum contentiosum non deductum, à Censuris absolvit Episcopus. Trid. *f. 24. c. 6. de ref.* & Religiosi Mendicantes ex privilegio, pro foro interno. Idem Episcopus dispensat cum eo, qui beneficium Simoniacè obtentum sponte & ante sententiam condemnatoriam dimisit, ut notant DD. *excân. 2. caus. 1. q. 3.* & cum eo, qui per alienam Simoniam, se infcio, obtentum dimisit, ad idem rursus obtinendum. *c. penult. de Elect.* An verò Episcopus vi Trid. *lo. cit.* dispensare possit ad obtinendum rursus idem beneficium priùs Simoniacè obtentum, vel potiùs retinendum, si delictum mansit occultum, & ad forum contentiosum non deductum, disputant DD. Reiffenstuel cum comunio- ni negat. Henriq. Less. Palao *p. 3. tr. 17. d. 3. pu. ult. n. 4.* affirmant probabiliter, & inclinât P. Kri- mer *h. t. n. 592. seqq.*

TITULUS IV.

Ne Prælati Vices suas vel Ecclesias sub annuo censu concedant.

SUMMARIUM.

1. *Explicatio Rubricæ.*
2. *An committatur Simonia, si pro concesso usu potestatis Ecclesiastica, vel Ecclesiæ, accipia- tur pensio temporalis.*

In

IN hoc titulo, qui, uti & sequens, est appo-
dix prioris, prohibetur Prælatis specialiter ut Simoniacum *vices suas*, nempe jurisdictionis, potestatis, aut regiminis sui exercitium aliis committere, aut *Ecclesias ipsas* ad alios concedere, pro *annuo censu*, h. e. pensione temporali quotannis solvenda. Unde

2. Dico. Prælati, Officiales, aut Beneficium ecclesiastici, qui exercitium potestatis aut administrationis Ecclesiasticæ, v. g. Vicariatum, Decanatum, consecrationem Ecclesiæ, curam annuam, dispensationem &c. aliis elocant pro annua pensione, committunt Simoniam, certis periculis obnoxiam. *c. 1. 2. 3. h. t.* Et qui Ecclesiæ pro simili pensione, at sine pœna in Jure determinata. *rubr. h. t.* Qui verò præcisè fructus temporales ad tempus ita elocant, non committunt ullam Simoniam. *c. 4. eod.* Ratio horum omnium est, quia in prioribus conceditur res spiritualis pro temporali, non autem in ultimo casu.

1. Solent Episcopi sine scrupulo suis Vicariis constituere annum salarium: ergo vices suas concedere pro annua pensione non est Simoniacum.
2. Licet Episcopis eximere Ecclesiam vel Monasterium à sua jurisdictione pro annua pensione consequenter pro hac remittere exercitium jurisdictionis. *c. 6. de Relig. domib.* ergo & concedere usum jurisdictionis; cum remittere spirituales pro temporali, & vicissim, idem sit ac dare.
ad 1. Solent constituere salarium suis Vicariis pro modo stipendii ad sustentationem. *C. ant. de Vicariis.* pro modo pretii. *N. ant. & cons.* **Ad 2.** Illa pensione annua non accipitur tanquam pretium pro jurisdictione

ditionis exercitio remisso, sed in recognitionem exemptionis gratuito concessæ, & in signum indultæ libertatis, vel in probationem antiquæ subjectionis.

TITULUS V.

De Magistris, & ne aliquid exigatur pro licentia docendi.

SUMMARIUM.

1. *Quinam dicantur Magistri, Doctores, Licentiatii.*
2. 3. *An pro licentia docendi, vel pro ipsa doctio-
ne, aliquid exigere vel accipere illicitum vel
Simonicum sit.*

PEr *Magistros* hîc veniunt omnes, qui litteras, artes, aut quamcunque disciplinam alios docent; & tales, qui saltem Grammaticam doceant, in singulis Ecclesiis Cathedralibus, vel etiam Collegiatis, imò & qui Theologiam, in Metropolitanis, & Cathedralibus, atque Collegiatis, ubi facultates suppetunt, constitui voverunt Concilia Lateranensia sub Alex. III. & Innoc. III. ut refertur *c. 1. & 4. h. t.* item Trident. *s. s. c. 1. de ref.* qui simul sint Canonici, & de præbenda ad congruam sustentationem necessaria provisi, ac propterea *Scholastici* appellantur, qui, quamvis in plerisque Ecclesiis in Germania retineant hoc nomen, munus tamen non exercent, sed exercetur ab aliis in Academiis, Lyceis, & Gymnasiis, quorum sufficiens est copia. Item veniunt, qui in aliqua Facultate, nempe Theologica,